

alienis se et secularibus curis implicaret homo solitarius, eumque ad suam sibi cellam redire juberet; ille ad imperatorem intrepidè: « Dicit, inquit, mihi, o imperator, si filia alicujus essem, et sederem in conclavi, ut aedes curarem, atque deinde cernerem flammam in eas incidisse, aedesque paternas jam conflagrare, quid me facere oporteret? intusne manere, et aedes incensas negligere, expectareque donec flammæ impetus longius pervaderet, an relicto conclavi sursum, deorsumque cursitare, et aquam afferre, quæ flammam extingueret? Atque hoc ipsum in patris nostri aedes flammam injeceris, nos circumcursumus, quò eam maturè possimus extinguere. » (1)

VERS. 3. — VOCAVITQUE ACHAB ABDIAM DISPENSATOREM DOMUS SUÆ. Abdias vir erat religiosus et pius, qui patriam legem adhuc retinebat. Quod in regis impii domo, et inter aulicos impios conservasse tamdiu planè prodigii instar est, maximè cum regis domus dispensator esset, quem locum ille tenere non solet, qui non se totum regum moribus et votis attemperat. Hic autem usque adeò religionem patriam, et ipsius amatores complexus est studiosè, ut contra regis voluntatem, et reginæ Jezabelis inflammatum odium, quo veri Dei nomen et cultum, sublatis de medio prophetis, abolere voluit, servavit tamen centum prophetas, illosque in tantâ rerum angustia abundè sustentavit, et, ut est verisimile, ex regio penu, cujus ipse dispensator erat. De hoc Abdiam quidam è nostris multa cum Hebræis meditantur interpretes, nempe fuisse unum ex duodecim prophetis, qui quarto annueratur loco, quâ de re nos in illius Commentariis plura proleg. 1. Quòd si ita est, ducentis propè annis antiquior fuit aliis qui sub hoc nomine scriptis vaticinia sua prodiderunt: tantum enim temporis intercessit inter Achab et reges alios quorum ætate floruerunt alii. Hoc minus

(1) ERAT AUTEM FAMES VEHEMENS IN SAMARIA, in metropoli scilicet, ac per totum regnum sæviens. Samaria enim usurpatur non rarò pro Israelitarum ditone universâ. Credibile est autem siccitatem hanc et famem nonnisi in regno Achab, vel ut summum, in vicinis locis regnasse. Porrò è finitimis regionibus triticum deducebatur, at mox sese offret Achabus quærens pascua et fœnum jumentis potius quàm hominibus frumentum; idcirco scilicet, quòd facilis esset hominibus ratio quâ sibi aliunde necessaria procurarent. Alioquin enim nunquam regnum Israeliticum toto triennio sine messibus substitisset. (Calmet.)

est improbable; illud verò difficilius, maritum fuisse illius Sunamitidis, cujus filium excitavit Eliseus lib. 4 Reg. c. 4. Quod refert ex Hebræorum sententiâ Lyra, in lib. 4 Reg. De quo nos aliquid in nostris Abdiam et Jonæ Prophetarum Commentariis in prolegomenis. Ubi observo pro Sunamitide positam esse Sarephthanam viduam, et hujus conjugem existimari Abdiam, et licet id in erratis animadversum sit, tamen hujus rei lectorem admonitum esse volo, qui neque semper errata consulit, cum tamen maximè interdum expedit, neque omnes libri cum errorum notis à bibliopolis distrahantur.

Hic porrò Abdias discipulus existimatur Eliæ, ut docet Joannes episcopus Hierosolymitanus de Institutione monachorum, c. 15, t. 7 Biblioth., ubi etiam tradit esse illum quinquagenarium qui tertio loco missus fuit ab Oziâ, quem supplicem audivit Elias, fecitque ne illum ignis è cælo delapsus absumeret, cujus beneficii memor relicta aulâ ad solitudinem se contulit, et totum se in Eliæ tradidit disciplinam. Quod tenent complures alii, et in nostris Comment. in Abdiam diximus, proleg. 2. (1)

VERS. 5. — VADE IN TERRAM AD UNIVERROS FONTES AQUARUM, ET IN CUNCTAS VALLES, SI FORTE POSSIMUS INVENIRE HERBAM. Ex hoc loco colligere posse videor in eâ tantum parte Israeliticis regionis, quæ ad Achab pertinebat, contigisse triennale famem ex agrorum siti. Neque enim egressus esse dicitur Achab, et illius dispensator Abdias, ut frumenta quærent, quia illa coempta pretio ex vicinis urbibus, quas grandis illa sitis agrorum non tetigerat, comportari poterant; sed quia in alienas regiones pabulandi atque aquandi gratiâ,

(1) VERS. 4. — TULIT ILLE CENTUM PROPHETAS, ET ABSCONDIT EOS. Abulensis putat prophetas hosce fuisse prophetas propriè dictos. Planius Lyran. et Cajetan. censent eos fuisse viros religiosos, qui abdicatis curis terrenis, seorsim simul habitantes, divinis laudibus insistebant, uti faciunt jam cœnobitæ. Simili modo legimus, 1 Reg. 19, 20, chorum prophetarum non tantum vocali cantu, sed et musicis instrumentis unâ cum Samuele et Saule laudasse Deum. Sic Heman et Idithun cantores dicuntur prophetasse, id est, cecinisse psalmos in citharis et psalteriis, 1 Paral. 25.

(Corn. à Lap.)

VERS. 4. — PAVIT EOS PANE ET AQUA, id est, illis suppeditans, quò vitam tolerarent, cibos et potum. Vel verbis textus inhærendo: Pavit eos solum pane et aquâ, ut alerentur in extremis illis famis, quò redacti erant angustii. Fas est utique in his rerum articulis violare principum imperia, cum Deo potius quàm hominibus parendum sit. (Calmet.)

equi ac reliqua jumenta transportari non poterant, aut non sine magno suo periculo, aut rerum domesticarum dispendio, in suis provinciis fontes et pabula requirunt, ubi quod jumentorum erat reliquum conservarent. Quæ cura tanti putabatur esse momenti, ut illam rex ipse susceperit, quasi in illis rerum angustii suæ majestati non indecoram, et cum illo communicârit cui domus suæ dispensationem crediderat, quemque ex omnibus sollicitum magis, magisque fidelem fuerat expertus.

VERS. 9. — QUID PECCAVI, INQUIT, QUONIAM TRADIS ME SERVUM TUUM IN MANUS ACHAB? Egressus fuerat Elias juxta Domini præceptum è Sarephthano hospicio, ut occurreret Achab, sed incidit in Abdiam, qui non multò ante, ut apparet, in eo pabulandi studio digressus fuerat à domino suo, cui jubet ut ad regem redeat, illique enuntiet adesse Eliam. Expavit ad hoc mandatum Abdias, cum videret in eo non dubium capitis periculum proponi; quod quale sit, dicemus statim.

VERS. 10. — NON EST GENS, AUT REGNUM; QUO NON MISERIT DOMINUS MEUS TE REQUIRENS. Non poterat majori studio requiri, quàm à rege quæsitus est Elias, cum omnes regni sinus et latebras perscrutatus fuerit; et cum à nemine prorsus inventus esset, adjuraret omnes ut interpositâ jurisjurandi religione certius constaret nullibi gentium reperiri, et nequicquam ab ullo post hoc esse quærendum, aut jurejurando adegit, ut quicumque invenerit Eliam, illum comprehenderet, et ad se deduceret. Quod etiam finitima regna promississe videntur, tum quia aliqui cum Achab intercedebant usus et officia; tum etiam quia timebant ne sibi aliquid mali contingeret ex vicino malo. Ita Lyra et Abulensis quæst. 9. Quem ad finem Achab investigavit Eliam, dubium est. Quidam dicunt quæsitum esse à rege, non ut illum occideret tanquam publicæ rei inimicum, quasi siti voluerit et tabe ingentem illum populum consumere, cum dare potuerit de cælo pluviam, sicut prius ademerat. Dixerat enim supra c. 17, v. 1: *Vivit Dominus, etc., si erit annis his ros, et pluvia, nisi juxta oris mei verba.* Cum autem videret Achab prohibitam esse tamdiu pluviam, sicut minatus fuerat Elias, futurum etiam credidit, ut ad ejus imperium pluvia deflueret, et levaretur fames. Ita putat Abulensis q. 8. Alii expetitum dicunt Eliam ad mortem tanquam acerbissimum rei communis hostem, qui ad extremam miseriam adegisset populum, maximè urgente Jezabele,

quæ Prophetas Domini animo insectabatur hostili et illorum plurimos occiderat, et extinxisset complures alios, nisi illos tyrannico furori Abdiam sedulitas et fides subduxisset. Ita tenet Hugo et Augustinus lib. 2 de Mirab.: « A Domino, inquit, Eliæ dicitur, ut in speculâ torrentis Carith se absconderet, quatenus, et tempore famis haberet alimoniam, et persecutorum avidè se quærentium rabi-dam effugeret iram. » Quam ego sententiam libentiùs amplector. Neque dubium sui consilii atque animi argumentum dedit Achab, qui non mollibus verbis excepit Eliam, qualibus supplices alios salutare solent, sed duris et contumeliosis, ita ut facilè videas spiritus intus latere minaces, qui rabiem anhelerent et cædem, atque compressum diu acerbissimum venenum evomerent. *Tunc, inquit, es, qui conturbas Israel?*

VERS. 12. — CUMQUE RECESSERO A TE, SPIRITUS DOMINI ASPORTABIT TE IN LOCUM QUEM EGO IGNORO. Ex hoc loco quis facilè sibi persuadebit non semel à Spiritu raptum fuisse Eliam et ex hominum oculis ereptum: neque enim aptè et opportunè hæc dixisset Abdias, nisi aliquid simile aut vidisset ipse, aut audisset antea. Quod etiam indicant Prophætæ illi quæ Eliæ atque Eliseo fuere familiares, qui nisi ejusmodi aliquid cognovissent, non dixissent Eliseo, postquam ab illorum oculis sublatus est Elias, 4 Reg. c. 2: *Ecce servi tui sunt quinquaginta viri fortes, qui possunt ire, et quærere dominum tuum, ne fortè tulerit eum Spiritus Domini, et projecit in uno montium, aut in unâ vallium.* Ita putat Abulensis q. 10, et statim q. 11, et q. 12. licet verisimile putet spiritum illum, à quo raptus dicitur Elias, esse angelum à quo non aliter sublatus censerì potest, quàm Habacuc, quando Danieli ad Babylonem usque detulit cibum; tamen eò magis propendet, ut existimet spiritum istum ventum fuisse vehementem: seu turbinem, qui aliquando abripuit prophetam, et ab hominum oculis aliò procul præcipitem abduxit: quod ideo putat, quia sumptâ, ut apparet, ex aliis Eliæ raptibus conjecturâ, dixerunt prophætæ ad Eliseum de Eliâ: *Ne fortè tulerit eum Spiritus Domini, et projecit in uno montium, aut in unâ vallium.* « Projicere, inquit, non est angeli, qui potius deponeret quàm projiceret Eliam; sed venti, qui impetu aliquo absque consilio aliquid circumagat et rapit, et ibi relinquit temerè, ubi primùm impetus sedatur et frangitur. » Quod confirmat alius raptus Eliæ, qui fuit omnium

extremus : nam lib. 4 Reg. c. 2, v. 11, ubi legimus : *Ascendit Elias per turbinem in caelum.* Et Eccles. 48. v. 15 : *Qui receptus est in turbine ignis in curru equorum igneorum.* In hanc ego sententiam libentiùs descendo. (1)

VERS. 17. — Tunc es ille, qui conturbas Israel (2) ? Hæc verba non sunt ejus, qui ad alicujus clementiam supplex accedat, ut aliquid sibi necessarium servat odium, et aliquid secum meditatur hostile. Conturbatum esse Israel, et urgente fame compulsulum exire domo, et ab alienis quærere necessaria vitæ subsidia, Eliæ quasi sui generis inimico adscribit Achab, neque quæ erat in Eliam offensione abstinuisset manus à cæde, vel injuriâ, nisi Deus, cujus tunc parebat Eliæ imperio, aut sedasset animum, aut metum, atque languorem indidisset; sicut antea Esaü fratris, et soceri Laban adversus Jacob inflammatum furorem temperasset.

SED TU, ET DOMUS PATRIS TUI Indidit Deus Eliæ frontem sicut adamantem et silicem, ut postea Ezechieli cap. 3, v. 9, ut duram et adamantinam frontem adamantinæ inimicorum fronti adversam opponeret. Quare non minùs constanter respondet regi, quam à rege in ipsum convicia jactantur liberè. Nec dubitat dicere propter ipsius ac parentis impietatem

(1) VERS. 15. — CUM INTERFICERET JEZABEL PROPHETAS DOMINI. Contigit id facillè quo tempore Elias latebat in secessu, et per primos ariditatis annos; tunc autem Jezabel prophetas Domini studiosè perquirens, neci omnes tradidit. Quàm multos autem peremerit, argumentum capere licet ex illis quos Abdias solus subduxit è discrimine. Erant illi vitæ genere et professione à reliquo populo distincti, ac potissimum labore manuum studio ac ministerio, et laudibus Domini occupabantur. Non omnes quidem divinitus afflabantur, sed parebant prophetis quos superiori lumine afflatos esse omnes nôrant. Sal erant terræ, et lumen regionis, fulcrum religionis, et propugnaculum legum divinarum adversus crimina et licentiam cum principis, tum populi. Veram religionem penitùs in Israele impia Jezabel subversura, nihil non movit, ut cæderet prophetas, viros nempe qui columnæ essent ac firmissimum religionis munimentum.

(Calmet.)

(2) Saint Ambroise témoigne que ce qu'on voyait alors n'était qu'un signe extérieur de l'état des âmes, et que si le ciel était fermé pour ne point donner de pluie sur la terre, il l'était encore plus à l'égard du cœur des hommes qui, bien loin de s'élever en haut pour y révéler le Créateur, se rabaissaient jusqu'à adorer du bois et des pierres. *Clausum caelum dictum est temporibus Eliæ, eò quòd nemo ad caelum oculos erigebat, nemo ejus auctorem venerabatur, sed ligna et lapides adorabant.* (Sacy.)

turbatum esse Israel, et ad extremum penè statum deductum, cum veram religionem abjecerit, et gentilicos mores, et barbaram impietatem induxerit. Quod sanè verum fuit : nam si ad alienos deos non transfugisset Achab, et subjectos sibi populos secum non traduxisset, non audisset à prophetâ minacem orationem, neque illius pondus esset expertus.

VERS. 18. — VERUMTAMEN NUNC MITTE, ET CONGREGA AD ME UNIVERSUM ISRAEL. Non dubium quin inter regem et Eliam longior esset institutus sermo, et hinc atque inde objectæ atque depulsæ criminationes, et orta longa utrinque de religione concertatio. Postquam eò devotum est ut in eum locum cui tunc, opinor, proximè considerant, ad montem videlicet Carmelum, convocaretur universus Israel, et quotquot essent lucorum sacerdotes, Baalis sacrificuli, et prophetæ, et ibi spectante populo honesta iniretur et legitima ratio quæ religionem probaret, aut argueret levitatis quam ipse, qui tunc erat in eâ populorum frequentia solus aut alii omnes venerarentur et colerent. Quod ideò, ut opinor, à rege non nimis sibi benevolo, ac reliquâ multitudine impetrare potuit, quia non aliter dandam sibi desideratam tandiù de cælo pluviam sibi persuaserant. Statim igitur rex convocavit Israel, et Baalis sacerdotes, et prophetas ad conditum locum. Neque parùm videtur interjectum spatium, cum latè essent sacerdotes, prophetæque dispersi, et ex omnibus tribubus essent congregandi non pauci. Interim verò existimo in Carmelum secessisse prophetam, ut rem totam commendaret Domino, ubi ipse forsitan orârat sæpè ferventer, et plurimas desuper illustrationes acceperat. Aut igitur eâ de causâ Carmelum elegit, quasi futuri certaminis nobile stadium, aut quia Prophetas veros, suosque discipulos ibi interfecerat impia Jezabel, cum ibi commune suum haberent diversorium, et quia non occultè pietati vacabant, Jezabelis sedulitatem, et illius ministrorum oculos latere non poterant. Voluisse itaque videtur Eliam auctorare ibi et commendare religionem veram, ubi effuso tot Prophetarum sanguine, illam Jezabel exauctorare, et damnare voluerat, ut ibi impiorum prophetarum sanguinem profunderet, ubi piorum viderat esse profusum. (1)

(1) VERS. 19. — PROPHETAS BAAL... PROPHE-TASQUE LUCORUM. Hi seductores erant, prophetiam et divinum cæstrum ementiti, quamvis non nisi malo spiritu turgerent. Exteriorem veri prophetæ habitum imitati, profano idolorum cultui serviebant. Horum verò genera hic

VERS. 21. — ACCEDENS AUTEM ELIAS AD OMNEM POPULUM, AIT : USQUEQUÒ CLAUDICATIS IN DUAS PARTES (1). Cum jam, quod optabat Elias, maximè esset consecutus, egit ad populum audacter, coarguitque instabilitatis atque perfidiæ, quòd lubricis incederet gressibus, neque in alio certo loco stabili hæreret vestigio, cum modò Deum verum colere se profiterentur, et tamen ad Achab et Jezabelis vota, ad Baalis aras supplices accederent. Hoc autem est in duas partes claudicare, dum huc atque illuc nutante gressu corpus etiam totum, et præcipuè caput dextrorsùm ac lævorsùm inflectitur. Tales tunc erant Israelitæ, qui placere cum student Jezabeli, neque à patriâ religione defecisse vellent, et à suis in caput suum justum odium conflare, à Baalis arâ ad Dei se conferebant altaria, et ab iis rursus se ad Baalis aras referebant. Ita dum student utriusque religionis esse participes, utriusque potiùs se profiterentur expertes. Hi sunt de quibus Paulus 2 Cor. 6, v. 15 : *Nolite jugum ducere cum infidelibus. Quæ enim participatio justitiæ cum iniquitate? aut quæ societas luci ad tenebras? aut quæ conventio Christi ad Belial? aut quæ pars fidei cum infideli? Qui autem consensus templo Dei cum idolis?* Quo loco Paulus ad hanc Eliæ reprehensionem spectasse videtur. Latinus hoc Hebræorum proverbium aliter enuntiat, *duabus sellis sedere.* Quod faciunt qui cum ex usu suo vident futurum esse, modò se ad hanc, modò ad illam partem attemperant, neque tam aliorum voluntati, quorum aucupantur gratiam, quàm suæ commoditati serviunt.

Scriptura distinguit duo : alios scilicet appellat prophetas Baalis, numero quadringentos quinquaginta; iidemque tantùm cum Achabo in Carmelum convenerant, erantque facillè regis prophetæ; alios qui agebant prophetas lucorum, vel deæ lucorum, vel Astartes; atque illis potissimum Jezabel favebat. Convivas id generis homines habebat regina, tanquam familiares sibi prophetas. Numero erant quadringenti. Conventus autem hic habitus est in Carmelo, notissimo profanis monte, ex diurno Apollinis, qui idem est Baal, vel sol, cultu. Stabat ibi tunc ara huic numini consecrata, et reliquiæ altaris vero Domino olim dicati. (Calmet.)

(1) Rien n'est plus en abomination devant Dieu que cette alliance que l'on prétend faire même dans la religion chrétienne, non pas du culte extérieur des idoles avec celui de Jésus-Christ, ce qu'on ne souffrirait pas, mais d'une autre espèce d'idolâtrie plus subtile, qui rend l'homme adorateur de l'argent, et idolâtre tant du monde que de lui-même, en sorte qu'il ne donne à Dieu que l'extérieur et l'apparence, et consacre au démon du siècle l'amour de son cœur. (Sacy.)

ET NON RESPONDIT EI POPULUS VERBUM. Compressit forsitan loquendi libertatem injectus à prophetâ pudor : neque enim conscius animus habebat, quid prophetæ verbis honestum opponeret. Vel illa fuit dicentis auctoritas, ille spiritus, illud orationis pondus, ut turbârit animos, fauces præcluderet, neque ullam relinqueret loquendi facultatem. Est enim illud experientiâ cognitum, et rationali naturæ consentaneum, ut pudor et objecti sceleris conscientia elingues reddant homines. De hoc pudore est illud Job. c. 5, v. 16 : *Iniquitas contrahet os suum;* et Ps. 106, v. 42 : *Omnis iniquitas oppilabit os suum.* Micheas 7, v. 16 : *Videbunt gentes, et confundentur, ponent manum suam super os suum.* Sanè ille cui Dominus, Matth. c. 22, v. 12, exprobrârat quòd absque nuptiali veste in nuptiale convivium esset ingressus, obmutuisse dicitur, quia nimirum pudor, et justa regis indignatio fauces obstruxerant.

VERS. 3. — ET AIT RURSUS ELIAS AD POPULUM. EGO REMANSI PROPHETA DOMINI SOLUS; PROPHETÆ AUTEM BAAL QUADRINGENTI ET QUINQUAGINTA VIRI SUNT (1). Postquam obmutuisse populum universum vidit Elias, neque respondisse ullum ad objecta de religione verbum, ipse rationem ostendit, quâ quisvis intelligat, ultra sit vera, falsave religio, cujus examen in sacrificio atque oratione posuit. Et ne quis personarum contentione ac viribus, et non potiùs verâ sanctitate judicium, aut aliquo artificio elusum esse putet, partes aliis superiores concedit, ita ut aliis omnibus rebus præterquam religionis professionis et sanctitate vincant. Primùm se magnæ prophetarum multitudinè solum oppo-

(1) *Elie dit au peuple : Je suis demeuré tout seul d'entre les prophètes du Seigneur; les prophètes de Baal sont au nombre de quatre cent cinquante. Qu'on nous donne deux bœufs, qu'ils en choisissent un pour eux.* Toute la suite de cette histoire s'entend aisément, et il est visible qu'Elie, rempli de l'Esprit de Dieu, fit cette proposition à tout le peuple, pour le convaincre par une expérience publique et sensible de la faiblesse de ce faux dieu qu'ils adoraient avec le Dieu d'Israël. Le feu du ciel qui consume la victime est la figure de la charité. Il n'y a que les sacrifices qui s'offrent dans la vraie religion qui méritent d'être consumés par ce feu divin, mais on n'ose dire ce qu'on ne peut dire sans douleur, que beaucoup de ceux qui sacrifient au vrai Dieu dans l'Eglise catholique, se rendent indignes d'attirer sur eux-mêmes la grâce du ciel, quoique Jésus-Christ, qui est lui-même le prêtre et l'hostie, ne laisse pas d'opérer et d'offrir un sacrifice agréable à Dieu et de suppléer ainsi au défaut de ses ministres. (Sacy.)

nit : ipse enim solus è veris sanctisque prophetis in eo congressu reperiebatur. Deinde jubet, ne qua in sacrificiis esse posset fraudis, calliditatisque suspicio, ut ipsi eligant duos boves suo arbitratu, et ex illis eligant quem magis suis votis atque rationibus opportunum esse putaverint, quorum alterum ipsi sumant, et sacrificali ritu in frusta concidant, suppositisque lignis sine igne superimponant. Quod item ipse faciet; tunc autem ille verus Deus existimabitur, qui preces audierit supplicantis, et emisso desuper igne oblatum sibi sacrificium combusserit. Et eodem consilio, cum de aqua nihil inter disceptantes de religione convenisset, neque ab aliis aliquid aquæ super sacrificium et ligna foret infusum, quominus res suspicioni pateret, non solum super sacrificium et altare, sed etiam latè circum aquarum plurimum induxit. Quod divinæ cujusdam solertiae, et magnæ in divinâ promissione fiducia argumentum fuit. (1)

VERS. 24. — DEUS, QUI EXAUDIERIT PER IGNEM, IPSE SIT DEUS. Deus exaudire dicitur per ignem sacrificantis, atque orantis vota, precesque, cum misso desuper igne consumit, et resolutum in fumum, ac sursum elevatum in odorem suavitatis admittit, quod quia nimis erat notum, nemo de populo toto, quem rex evocaverat, ignorare poterat, cum illustrissimis antiquâ recentique memoriâ abundarent exemplis. Gen. 4, v. 4 : *Respexit Dominus ad Abel, et ad munera ejus.* Quo Patres communiter exponunt significatum esse misso desuper igne sacrificium Abelis Deo placuisse. Unde Theodotion reddidit *ἐνέσπεσεν*, id est, inflammavit, seu cremavit, et Jud. 6, v. 21, ignis à Deo missus, et emicans repente de petrâ Gedeonis sacrificia consumpsit. Idem accidit Aaroni Lev. 9, v. 24; et Davidi 1 Par. c. 21, v. 26; et non longè ab hoc tempore sacrificium à Salomone oblatum cœlestis flamma consumpsit, 2 Par. 7, vers. 1. Quare populus, licet à Jezebele, ejusque marito plus satis uxorio deceptus, illorum sacrificiorum memoriam non abjecerat. Atque ideò lubens propositam ab Eliâ conditionem admittit, dicitque, *optima propositio*, quia non videbatur honestior ulla ratio, quæ melius illud de religione iudicium definiret.

(1) VERS. 23. — ET EGO FACIAM ALTERUM BOVEM, *faciam*, id est, sacrificabo. Summum enim et nobilissimum opus, quod facit homo, est sacrificium. Sic Virgilius :

Cum faciam (id est, sacrificabo) vitulâ pro frugibus, ipse venito.
(Cern. à Lap.)

VERS. 26. — QUI CUM TULISSENT BOVEM, QUEM DEDERAT EIS FECERUNT. Elegerunt sacerdotes, prophetæque Baal bovem, quem suis consiliis magis censebant opportunum. Quem libenter illis propheta concessit, et illi patrio ritu imposuerunt altari, feceruntque reliqua quæ ad impura illa sacra lex sacrificialis, et consuetudo præscribit. *Facere* verbum est sacrificale, quod idem valet atque *immolare*, seu ad aram disponere legitime, quod verbum Scripturæ sacræ familiare, ut habes in hoc c. supra, v. 13. Lev. 15, v. 15, et 23, v. 19, et alibi millies. Quâ de re nos pluribus in nostris Commentariis super Ezechielem c. 43, ad illud v. 25 : *Septem diebus facies hircum pro peccato quotidie.* Apud Græcos sanè *ἱεῖν*, et *θύειν* non solum facere, sed etiam sacrificare significant, quod lib. 14 observavit Athenæus. Quod apud Latinos inusitatum non est : hunc illi tribuit usum Virgilius eclog. 3 :

Cum faciam vitulâ pro frugibus, ipse venito.

Hic suo more nugantur Hebræi, dicunt enim cum magistro suo Rab. Salomone (ut dicit hic Lyra, et Abulensis q. 27) bovem, quem sibi elegerunt qui pro Baale certabat, fugisse ab illis, et ad Eliam se recepisse, quasi indignaretur, aut dedignaretur immolari dæmoni, et illius aram ipsius imbui et consignari sanguine, sed nihilominus illis ab Eliâ fuisse traditum. Quod si verum fuisset, ad rem moralem non parum habuisset momenti; sed evangelicus doctor ad instruendam utiliter concionem Hebræorum non indiget figmentis et nugis.

TRANSILIEBANTQUE ALTARE QUOD FECERANT. Matutinum tempus antagonistis suis concesserat Elias, quia magis sacrificiis idoneum, cumque omnis in orando, atque clamando adhiberetur contentio, neque ulla appareret Baalis vox, nullus motus, aut sensus, neque tanto studio responderet Baal, magis quàm saxea moles, aut lignea, juxta patrios ritus transiliebat altare inter dissectas victimæ partes; quasi ipsi quoque, dum altare conscendunt, vellent esse victimæ, aut victimas se esse eâ ratione simularent, aut certè eo frequente numeroque transultu deum suum placarent, aut etiam repugnantem impellerent. Fuit autem modus ille sacrificandi usitatus gentilibus, qui vario incessu motuque deorum suorum festos obibat dies, aut sacra peragebant, quales fuerunt Corybantes, Sali, Luperci et ejusdem farinae complures alii. Sanè idem fecisse videntur viri Israëliti in eo maximè sacrificio, quod ad firmandum pactum adhibetur. Jeremiæ cap. 34,

v. 18 : *Vitulum quem conciderunt in duas partes, et transierunt inter divisiones ejus, et idem repetitur v. 19.*

VERS. 27. — CUMQUE ESSET JAM MERIDIES, ILLEDEBAT EOS ELIAS (1). Jam transactum erat matutinum tempus, quod fuerat ex pacto Baalis sacrificio definitum; et cum omnes animi ac corporis nervos ad illud opus intendissent prophetæ, neque sudando, atque anhelando profecissent hilum, eos amaro quodam scommate subsannabat Elias, dicebatque ut quàm maximè possent voce contenderent, ut deum

(1) *Elie commença à leur insulter, en disant : Criez plus haut, car votre dieu Baal parle peut-être à quelqu'un, etc.* On ne peut blâmer cette raillerie du prophète du Seigneur, et on doit plutôt la louer, comme étant due très-justement, dit saint Grégoire, à l'extravagance de ces faux prophètes de Baal, qui abusaient de l'ignorance des peuples pour les engager à adorer des idoles inanimées. Dieu même au commencement du monde usa d'une espèce d'insulte et de raillerie à l'égard d'Adam, après qu'il l'eut offensé, en lui disant ironiquement qu'il était devenu semblable au Seigneur par la connaissance du bien et du mal. Et un savant homme de l'antiquité (Tertullien) témoigne qu'il appartient proprement à la vérité de se rire et de se jouer de ses ennemis, parce qu'elle est assurée de la victoire; qu'il faut seulement qu'elle prenne garde que sa raillerie ne soit pas indigne de sa gravité; mais que partout où elle peut l'employer dignement, elle le fait utilement. *Congruit veritati ridere, quia letans; de emulis suis ludere, quia securus est. Curandum planè ne risus ejus rideatur, si fuerit indignus. Cæterum ubicumque dignus risus, officium est.*

Que si jamais, selon cet ancien, la vérité a pu dignement se railler de ses ennemis, c'a été lorsqu'un prophète, rempli de zèle pour la gloire du vrai Dieu, comme était Elie, ayant fait à ses imposteurs qui trompaient le peuple, un défi public par lequel il les obligeait de prouver la divinité de l'idole de Baal, voulut leur faire sentir d'une manière plus vive leur extravagance, en leur reprochant avec insulte que leur Dieu dormait, et détromper en même temps plus sensiblement ceux qu'ils avaient engagés dans leur erreur. Jamais le Dieu des chrétiens n'est endormi. Et si les Apôtres, s'étant vus autrefois dans un grand péril au milieu d'une tempête, se pressèrent de réveiller Jésus Christ, afin qu'il les empêchât de périr, il les accusa de manquer de foi, et leur fit connaître par ce reproche qu'il veuille toujours, mais que c'est souvent la foi de ses serviteurs qui est endormie et qui a besoin d'être excitée. Ainsi, lorsque l'Écriture nous témoigne que les Saints ont crié vers Dieu, et qu'elle nous porte aussi nous-mêmes à implorer avec cris sa miséricorde, elle veut nous faire entendre seulement que Dieu n'écoute que ceux qui le prient avec ardeur, et qu'il se rend sourd à la voix des autres que leur tièdeur rend indignes d'être exaucés.

(Sacy.)

suum dormientem excitarent, aut tardantem acuerent, aut distractum ad alias curas ad suum opus et sacrificium revocarent. Sic Elias insultabat prophetis, ut verè cæcis et amentibus, et Baalem quasi truncum et saxum, gravi exagitabat, liberoque convicio.

VERS. 28. — INCIDEBANT SE JUXTA RITUM SUUM CULTRIS ET LANCEOLIS, DONEC PERFUNDERENTUR SANGUINE. Hoc erat extremum quod offerre sacerdotes juxta sacrificalem ritum poterant, ut optata consequerentur : quasi enim infirmi essent clamores, et voces, et laceratæ victimæ ad inflectendum deum, ut postulata concederet, rem aliter tentant, novas admovent machinas, neque alieno jam litant sanguine, sed suo. Quare non aliter in se quàm in victimas sæviunt, cultris se incidunt et secant, lanceolis se compungunt, donec suo toti sanguine commadeant. Miserabile planè spectaculum videre sacerdotes suo more infulatos, rubentes, atque stillantes sanguine, rugientes ad deum inanimatum et surdum, à quo nihilò magis excipiuntur elementer et benigne, quàm à silice, aut à rudi atque sylvestri stipite.

Notum est gratum esse dæmoni quicquid ab humano corpore expressum, aut desectum est, neque quicquam magis amat in sacrificiis, quàm hominum aut abscissa membra, aut libatum sanguinem. Ita Isidorus citatus ab historiâ Scholasticâ in hunc locum. Et quidem humano sanguine delectari dæmones, et humanas sibi victimas exigere, docent regiones ævo nostro ultra oceanum ab Hispanis apertæ, in quibus passim immolantur homines, et illorum sanguine occurrunt ubique obviæ rubentes aræ. Gentiles olim aut seipsos, aut filios, aut etiam hospites immolabant diis quos sibi placatos et tutelares esse volebant, ut probant Dianæ Tauricæ belluina sacra, et alia his quàm similima, quæ vide apud Alexandrum Neapolitanum lib. 6 Genial. cap. 26; et ibi Tiraquellum, et Lactantium lib. 1 de falsâ Religione cap. 21. Sed quod propius facit ad hæc sacrificia, in quibus sacerdotes non alieno litant sanguine, sed suo, est sacrificium quod offerre consueverunt antiqui quibusdam diis quos sibi voluerunt reddere propitios. De quo Lactantius loco nuper citato, cujus verba hic referam. Nam cum egisset de Idææ matris execrabilibus sacris, in quibus sacerdotes seipsos mutilato corpore turpiter effeminant, de Virtutis, seu Bellonæ sacerdotibus dicit : *Alia Virtutis (sacrificia), quam eandem Bellonam vocant, in quibus ipsi sacerdotes non alieno, sed suo*